



# Vuk'uzenzele

Uyethulelwa ngezokuThintana nokuNikela ngeLwazi kukaRhulumente (GCIS)    isiNdebele/English    UNTaka 2016 UmGadangiso I



**Isikolo esitjha  
sabentwana  
abanobulwele  
be-Autism**

*Ikhasi 7*



**Ukusekelwa  
kwelutjha  
leendaweni  
zemakhaya**

*Ikhasi 8*

**INEMIKHANCISO  
YEMISEBENZI**

## Sisoke asithuthusele iSewula Afrika Phambili



UMengameli u-Jacob Zuma ukhuthaza amaSewula Afrika ukuthi asebenzisane kobanyana azokuragela phambili iSewula Afrika.

Chris Bathembu no-Amukelani Chauke

UMengameli u-Jacob Zuma uthethe igadango lokuqinisekisa amaSewula Afrika ahlezi maqophe ngokutjhi-gama komnotho njenganje, wathi akangalahli ithemba, kodwana ekufuze kwenziwe kukuthi amaSewula Afrika akambane, asebenze ngokulekelelana kobanyana kuzokuba nobungcono kilobubujamo bomnotho bakhathesi.

Lokha nakethula iKulumo yobuJamo beNarha (i-SoNA) ngenyanga ephelileko, ebeyibukelwe kumabonwakude ziingidigidi zabantu, uMengameli uZuma uphakamise ukuthi lobubudisi iphasi nelizwe leSewula Afrika eliqalene nabo kufuze bona “busikhut-

haze siqinise imizamo yethu ngokuphindi-weko, sisebenzisane kiwo wo ke amakoro.”

“Sibe nemihlangano enemiphumela emihle, ebuyiselako namabhizinisi, sekubalwa nomhlangano ophakemeko nabaPhathi abaziin-Hloko (abo-CEO) ... sazizwa iimphakamiso zabosomabhizinisi malungana nokuthi lobubujamo bezinto singabutjhugulula njani sibuyisele umnotho wekhethu endimeni yokuhluma,” kutjho uMengameli Zuma.

Umemezele ukuthi urhulumente uthatha igadango lokutlama umzamosisungulo i-One Stop Shop/Invest SA, lokutjengisa ukuthi izandla zeSewula Afrika zivulekele ukwamukela amabhizinisi. Urhulumente uzolikhambisa msinyana-ke lelihlelo, ngokubambisana ne-koro yangeqadi.

### UKWEHLA KOMNOTHO EMA-ZWENI NGAMAZWE

UMengameli uZuma ukhumbuze amaSewula Afrika ukuthi ilizwe leSewula Afrika, njengamanye amazwe weminotho esahlumako, liqatj hazelwe kukwehla komnotho ephasini zombebele.

“Iqiniso njenganje kukuthi umnotho wephasi loke usaridile njenganje. Iimakethe zeemali zihlezi maqophe. Iimali zeemakethe ezisasikimako ziphelelwe mamandla, ngalokho-ke zitjha phasi naphezulu, azikanzinzi. Ngenca yokuthi umnotho wekhethu mncani begodu uvulekile, uqatj hazelwa ngikho lokhu okwenzekako. Umnotho wekhethu ubuye uqatj hazelwe nanga ngezinye izinto ezenzeka lapha ekhethu, njengokuqinteliseka kwegezi kunye nobudlelwana beensebenzi nabaqatjhi emisebenzini, njengoba lokhu kesinye isikhathi khakekateke nje,” kutjho uMengameli.

IsiKhwama seeMali samaZwe ngamaZwe (i-IMF) neBhanga yePhasiloke ziphengula ukuthi umnotho weSewula Afrika uzokuhluma ngendima engaphasi kwephesente linye nonyaka. Umphumela ophasi wokuhluma komnotho utjho ukuthi izakuba ngaphasi kwalokho ebekulindelwe njengemali ezakubuthelwa mbuso.

UMengameli ubuye wavuma nokuthi kubonakala kwanga iSewula Afrika isengozini yokulahlekelwa sikhundla sayo samasiso eenhlanganweni ezilinganisa amandla nekghono lokulawula nokuphatha umnotho kwamazwe ngamazwe.

“Nakungenzeka, kuzasidurela khulu ukuboleka iimali emazweni wangaphandle ukuthi sisekele amahlelo wethu wokwakha ipilo engcono ebantwini boke, khulu khulu ipilo yabantu abazitlhagelako.”

Ukhwezelele amaSewula Afrika ukuthi asizakale ngezinga lamandla weemali wokurhwebelana kunye nangamatjhuguluko wemithetho yama-visa wamhlanganije, uku-khwezelela nokuphakamisa ivakatj hobukelo

elizangakithi (elingenako). Zevakatj hobukelo eSewula Afrika zizokusebenzisa imali eziingidi ezili-R100 ngomnyaka ngomnqopho wokukhuthaza ivakatj hobukelo langekhaya, ngaleyindlela-ke kukhuthazeka amaSewula Afrika ukuthi akhambе avakatj hela ilizwe lawo, kutjho uMengameli.

**“U-Eskom, nanyana aqalene neentjhijilo anazo nje, kodwana usakghona ukulenza lihlale likhanya ilizwe leSewula Afrika, ngitjho kubudisi kangangani. Iinjamiliso zethu zeemali zetuthuko, njengeHlangano yezeTuthuko, neBanka yezeTuthuko ye-Afrika engeSewula nezinye, zikhuphe imali yomthangalasisekelo, nama-bubulo ahlukahlukene, namabhizinisi wezokulima ngaso soke isikhathi ebekufuneka ngaso, ngitjho nangemva komtjhono osahlele iphasi loke imbala”**

### IHLELO LAMAPHUZU ALITHOBA AMHLAHLANDLELA KARHULUMENDE

UMengameli uZuma ubuye wakhuluma ngendima ephathelene neHlelo lamaPhuzu aliThoba amHlahlandlela kaRhulumente alimezelele nyakenye, wathi ibe yihle indima eyenziweko ngokusimelelisa ukusatjalaliswa nokutholakala kwegezi, hlangana nokhunye.

Ihlelweni linqophe ukuphakamisa ukuhluma komnotho bekuvulwe nemisebenzi edingeke kangaka le. Ngehlelweni, kuzokuvuselelwa zokulima nomlandelane wokukhiqizwa

> Iyaraga ekhasini lesi-2

## SA urged to register to vote

South Africans have been encouraged to register to vote in the upcoming local government elections.

The first registration weekend will be on 5 and 6 March. President Jacob Zuma announced during the State of the Nation Address, in Parliament, that the local government elections will be held within three months



after 18 May, the date of the last local government elections.

“We urge the youth, in particular those who are turning 18 this year, to register in their numbers for this first ever opportunity to cast their votes,” said President Zuma.

### FINDING YOUR CORRECT VOTING STATION

All eligible voters (South African citizens aged 18 or older) should ensure they are registered in the correct

voting district where they ordinarily live. Voters who are already registered can SMS their ID number to 32810 (cost R1) to receive confirmation of their voter registration details including the name of their voting station.

Voters need to take with them their green barcoded ID book, smart ID card or a valid temporary ID certificate to the voting station. No other forms of ID are accepted for voter registration.

It's important for voters to vote where they live.

Register to vote in the 2016 Municipal Elections on 5 and 6 March 2016. All voting stations will open from 8am to 5pm over the weekend of Saturday 5 March and Sunday 6 March.

There are a number of ways voters can find their correct voting station:

- Call the Electoral Commission Contact Centre on 0800 11 8000 between 7am and 9pm weekdays.
- Use the voting station finder app on the IEC website at [www.elections.org.za](http://www.elections.org.za)
- Dial \*120\*IEC# (\*120\*432#)



## URHULUMENDE WEENDAWO ZEMAKHAYA



**I-Fleurhof Development ngenye yeendawo zokuhlala ezikulu khulu ezihlanganisiweko e-Gauteng.**

ne-Wi-Fi yasimahla kuma-laptop, nakuma-tablet kunye nemaselifowunini asivumelako isisetjenziswa lesi, kanti sidlulisa (download) umthamo ongafika ku-1GB ngenyanga, simahla.

Ezilinganisela ema-35 zeenlulu zeencwadi zeJwanisbhege zithungelelene nethungelelwano elinabileko kanti ezinye ezima-52 zizokulandela nazo phakathi naphakathi komnyaka wee-2016. Ithungelelwano elimsinya nelisimahleli lizokuvulela izakhamuzi zeJwanisbhege ithuba lokuthola amayunivesithi amanengi emakhomphyutheni la zingazikhethela khona iimfundo ezithanda ukuzenza zibe zithole iincwadi namkha iziqu zefundo emazikweni wefundo asemthethweni, avunyelwe ukufundisa emazweni ngamazwe.

### SITJHAPHULULA IKGHONO LOKUSUNGULA

Nge-#Hack Jozi Challenge, idrobha leJwanisbhege likhanga abantu bendawo le abanekghono lokusungula kunye nabanommoya webhizinisi abavele nemibono emihle yezinto ezingenziwa ngamakhomphyutha nangethekhnoji, ezizakuba lisizo ekurarululeni imiraro yeendawo zangemakhabo. Nje kubekelwe

ngeqadi imali ezingidi ezi-R5 ngomnqopho wokusekela ukusungulwa kwamabhizinisi aphaathelene nethekhnoji yamakhophyutha e-Smart City.

Njengoba abantu bathuthekela emadorobheni ngebelo kangaka nje, kuya ngokuya kukhanya ukuthi ukurarululwa kwemiraro yangomuso erare khulu ebantwini kuzakufuneka ukuthi itholakale eendaweni zemadorobheni, begodu idoswe phambili barholi baborhulumente beendawo zemakhaya. Amanye wamadorobha anda ngokuqalisa amehlwawo ncangesewula, emadorobheni anjengeJwanisbhege, arhuluphele ukuthola ukukhuthazeka namandla wokusungula izinto.

Lo-ke msebenzi iJwanisbhege, elidorobha elinetjiskalo yokuba lidorobha elisezingeni lamadorobha amakhulu wephasi loke e-Afrika, efisa ukuphakamela kiwo.

### AMAPHROJEKTHI AMAKHULU WEZINDLU

Idorobha leJwanisbhege seliphambili khulu ukugcwalisa inani lezindlu ezizii-95 000 elibekelwe ukuthi libe selizakhile nakufika umnyaka wee-2019.

Amaphrojekthi amanengi amakhulu

wokwakhiwa kwezindlu azakuba negalelo lokukhuthaza ngokuhluma nokukhula kwedorobha leJwanisbhege asendleleni namkha asahlelwako. Imali eziingizi ezima-R657 ibekelwe ngeqadi ukwakha izindlu emnyakeni weemali wee-2015/16 - lelinani-ke pheze libuyelelwe kabili nalilinganiswa nemali eyayibekelwe ukwakha izindlu ngomnyaka weemali ophelileko. Inaneli-ke lizokwandiswa libe yi-R932 yeengidi emnyakeni weemali oza-ko.

Amahlelo amakhulu la-ke azakuvula amathuba wesilinganiso senani labantu ekufuze bahlale endaweni ethileko ngesikhathi esithileko, namathuba wetuthuko yokuqarhwa kokusetjenziswa kwezinto newetuthuko ngesikhathi sokutjhu-gulukela kokhunye, athomanisa amathuba wezomnotho eendaweni zokuhlala abantu.

Amahlelo wetuthuko la-ke abuthelelwe ngamalunga alikhomba, asatjalaliswa kilo loke idorobha leJwanisbhege, ahlelwe ngokulandela iHlelo lezamaTjhuguluko noku-Vuselelwa kobuDorobha ngeNdlela yesiMoldeni.

Amalunga alikhomba lawa-ke ngilawa alandelako:

- Ilunga 1, elaziwa ngokuthi yi-Lanseria City, lincangethagwini yedorobha leJwanisbhege. Kuzokuba namaphrojekthi amakhulu esiphandeni se-Lion Park, e-Diepsloot East, ne-Riverside View, Ext. 28. Lelilunga-ke lizakuveza izindlu ezima-46 500, libe yindawo ehlanganisa iJwanisbhege, ne-Tshwane kunye noMasipaladi wesiYingisi se-West Rand.
- Ilunga 2 liseTlhawani Tjingalanga yeJwanisbhege. Amaphrojekthi wezethuthuko asele athonyiwe lapho yi-Cosmo City neMalibongwe Ridge, eyabelwe enye imali ema-R88,8 weengidi kilesibelo seemali salomnyaka weemali wanje. Iphrojekthi ye-Zandspruit e-Honeydew

izakuragela phambili kungararululwa iinliyo zebhoduluko zeendawo ezisitete lapho.

- Ilunga 3 esewula yeJwanisbhege lizakuraga amahlelo wetuthuko wokuthuthukisa amahlelo wedorobha wesilinganiso senani labantu ekufuze bahlale endaweni ethileko ngesikhathi esithileko. Selathomile ukuragwa amahlelo e-South Hills ne-Kliptown-Nancefield, kanti-ke kungasikade kuzakulandela i-Southern Farms ne-Ennerdale Ext. 19. Nasele kuhlangukhe koke, iphrojekthi le izakwakha izindlu ezingaphezulu kwee-68 000.
- Ilunga 4 liqalene neeNdlela ZeKululeko kunye nokuvuselelwa kweKaba yeDorobha leJwanisbhege. Kusalungiselelwa-ke lokhu, kodwana ekugcineni ngalelilelo kuzakwakhiwa amakhaya ama-50 000.
- Ilunga 5 laziwa njenge-New City, kanti-ke lembatha i-Alexandra ne-Modderfontein, lihlanganise ingcinye yedorobha engeSewula ne-Ekurhuleni. Kusalungiselelwa ukwakha e-Rabie Ridge, ne-Marlboro kunye nezindli ezimbadiwana.
- ILunga 6 lihlanganisa iJwanisbhege ne-Sedibeng ne-West Rand, kobanyana kuzokwakhiwa i-New City 3. Nasele zizoke zizii-24 000 izindlu ezakhiwa e-Lufhereng, kanti-ke umsebenzi wokwakha ohlelelwa ngurhulumente wesifunda se-Gauteng e-Syferfontein uzakwakha amanye amakhaya azii-60 000. Isaqalwa imiraro ephaathelene namadwala nama-esidi weemayini.
- ILunga 7 lise-Fleurhof. IsiGaba 1 ne-IsiGaba 2 sezithonyiwe kukunje, kanti-ke ngazo kuzakwakhiwa amakhaya azii-18 200 kanti ngahlanye kusaphenywa kuqaliswa amahlelo wangomuso we-Goudrand Ext.4.

*Umthombo: City of Joburg.*

# Ukulungiswa Kweendlela E-Lephalale

**K**uzokuzuza iinkulungwana ngeenkulungwana zezakhamuzi ngephrojekthi yokulungisa iindlela yeengidigidi zamaranda e-Lephalale, ese-Limpopo.

Iphrojekthi le, eyasikinyiswa yiMeyara u-Jack Maeko ngoNobayeni wanyakenye, izakwenza izinto zokukhamba zifikeleleke lula emathresdeni ali-13, izakhamuzi zikhambe ngokukhululeka nangokuphepha kiyo yoke indawo le.

Ihlangano yeemayini zamalahle nezeendlela e-Limpopo, i-Exxaro Grootegeeluk Coal and Roads Agency Limpopo (i-RAL), inikele ihlangano i-Aurecon South Africa (PTY) Ltd. ithenda yokutlama iindlela Ga-Seleka.

Abantu abahlala esiphandeni se-Sefitlhogo, Ga-Morwe, e-Botshabelo, e-Moong, Ga-Segale, e-Bosalanag, e-Kopanong, e-Kgobagodimo kunye nakwa-Letlora bazakuzuza ngokulungiswa kweNdlela ye-Rietfontein (D3102 ne-D3114). Ukulungiswa kwendlela i-D3109 kuzakuzuzisa izakhamuzi ze-Kiti, ne-Motsweding, ne-Dipompompong ne-Mokuruanya ne.

IMeyara u-Maeko uthe nakethula ikulumakhe emnyanyeni wokutlikitla, wathokoza i-RAL ne-Exxaro ngesandla leziinhlangano ezisifakileko ekwakhiweni nekuthuthukisweni komthangalasisekelo.

“Urhulumente ufuna ikoroyangeqadi yenze okuzakuzuzisa umphakathi. Ayikho into engeze yakghonakala nasisebenzisano.”

“Iphrojekthi yokwakhiwa nokulungiswa kweendlela le izakuvula amathuba wemisebenzi amanengi, iphungule nomthlango,” kutjho u-Maeko.

Ukhwezelele amakhansela nabarholi bomphakathi ukuthi anande abikela abantu beendawo azijameleko ngenjalo.

esele yenziwe kikho koke akwenzako. UmPhathi wemiSebenzi yokuThuthukisa umPhakathi e-Exxaro, u-Ramesh Chhagan uthi i-Exxaro izibophelele ekuhlomiseni umphakathi ngamandla wokukghonakalisa izinto.

“Indlela le izakwenza abantu bakhambe ngekululeko, ibe yenze nokuthi kuvuleke namathuba wezomnotho ahlukenekene. Solo sizibophelele ekulekeleni umuzi we-Lephalale, ukuqinisekisa ukuthi indawo le siyithiya ingcono khulu kinalokho esiyithole ingikho nasifikako,” kutjho u-Chhagan.

IsiKhulu esiPhetheko kwa-RAL u-Petros Matji usibukile isiqhema sephrojekthi le ngokukhambisa kwaso umsebenzi msinyana ukwenzelela ukuthi kube nesiqiniseko sendima ehle ephrojekthini le.

“Ukuqinisekisa ukuthi amakhonofundwa adluliselwa kabanye abantu nokuthi ama-SMME wendawo ahlonyiswa ngelwazi elifaneleko, i-Aurecon izokusebenzisana ngokulekelana ne-Exxaro Roads Agency Limpopo kunye noMasipaladi weNdawo ye-Lephalale esigabeni sokutlama,” kutjho u-Matji.

Ngaphezu kwalokho, kuzokusetjenziswa iindlela ezifuna izandla zomsebenzi nakwakhiwako njalo, ngaleyindlela-



**IMeyara kaMasipaladi we-Lephalale u-Jack Maeko (ongesigomeni) ucocisana namalunga womphakathi ezikweni lokwazisa elitjha e-Marapong.**

ke kuzuze abantu beendawo ezizombeleze isiphandesini abanengi babo abangasebenziko, khulu khulu ilutjha.

### SIBUYELA EMIRAJINI

Njengengcinye yejima lokuBuyela emiRajini, iMeyara u-Maeko uvule ngokusemthethweni iziko lezokwazisa e-Marapong mhlaphanje. Ngenca yaleliziko elitjha-ke, abantu bomphakathi abasakhambi ibanga elide base ama-CV wabo kwamasipaladi.

“UMasipaladi selazithwese isibopho sokuqinisekisa ukuthi kiyo yoke imisebenzi

yokuthuthukisa umnotho eendaweni, abantu bendawo akube ngibo abatjhejwa ntanzen gemisebenzi,” kuhlathulula iMeyara u-Maeko.

Kuqatjhwwe iimphathiswa ezimbili zokwazisa nokuthintana nomphakathi kobanyana ziphathe leliziko lezokwazisa elisandukuvulwa.

Ihlelo lokuBuyela emiRajini, elihlonjwe nguMengameli u-Jacob Zuma ngoKhukhulamungu wee-2014, linqophe ukuqinisekisa ukuthi abomasipaladi basebenzela abantu babo ngcono ngokubenzela imisebenzi efaneleko ngendlela efaneleko.



URHULUMENDE WEENDAWO ZEMAKHAYA

# IJwanisbhege – Idorobha Elinguvulindlela Kezokusungula



Manengi amaphrojekthi amakhulu wokwakhiwa kwezindlu asendleleni namkha asahlelelwako eJwanisbhege.

IJwanisbehege solo idosa phambili njengedorobha elinguvulindlela eSewula Afrika, ekuphengulwe ukuthi lizakuba nomnotho omuhle ekusukeni komnyaka wee-2016. Nanyana kunobudisi kezomnotho nje, nentengotjhuguluko esolo iphikelele ngokukhuphuka nokupherhukapherhuka kwamandla weemali, idorobha leJwanisbhege lisibonelo esihle sendawo esimeleleko nephatha kuhle iimali zayo.

### UKUDOSA AMASISO

Igama elihle leJwanisbhege njengendawo ekara abanengi ukuthi bangazokusisisa kiyo, liqinise ukuya phambili siqunto samhlaphanje sehlangano elinganisa ikghono lokulawula nokuphatha iimali nomnotho emazweni ngamazwe, i-Fitch Ratings, sokuphakamisa nokuqinisa kwesikhathi eside amandla wesilinganisano wokulawula nokuphatha iimali nomnotho.

Ihlangano le ibuke idorobha leJwanisbhege “ngokusebenza kwalo kuhle khulu ngesabelo seemali”, nalilinganiswa ngeenlinganisano zamazwe ngamazwe. Iveze ukuthi iJwanisbhege ilidorobha elikhulu ukuwadlula woke eSewula Afrika, nelinothe ukuwadlula woke eSewula Afrika, kanti godu linjalo nje neenhlangotho neenjamiso zeemali ezingezikulu zikilo lelidorobha, ngokunjalo godu limzimkhulu weenhlangotho neenkhambhansi zamabhizinisi nezerhwebo. Umbiko we-Fitch Ratings uveza ikghono leJwanisbhege lokubuthelela ingenisomali libe libenzelele okuhle okufanelwe yimalabo abantu ababhadela umthelo nendawo nezenzelwa abenzelwa zona eendaweni abahlala kizo.

I-Fitch Ratings itheja ukuthi nanyana izinga lomnotho lehlile nje elizweni loke, kodwana ukusebenzisa kwedorobha leJwanisbhege imali eli-R10 lamabhiliyoni emahlelweni wezomthangalasisekelo ngesikhathi setjhumini leminyaka kuzakulekelela ukubambelela kokusebenza kuhle kwedorobheli emnothweni walo. Lokhu-ke kuzakwenza ukuthi ihlume ngamaphesente amabili ukuya kamathathu iPahla ePheleleko yangeKhaya (i-GDP), ngesikhathi esibubude obuphakathinaphakathi, ngaleyindlela-ke bese kukhula nesendlalelo somthelo nakuthonyaniswa nezinga lokwanda kancani kwesitjhaba esihlala lapha eSewula Afrika.

Kubasisi bamazwe ngamazwe, kuvela ukuthi iDorobha leJwanisbhege liyindawo ephephileko nenamandla nethuba lokuba yindawo umuntu angasisela kiyo. Ebantwini bendawo, ebantwini ababhadela umthelo nezenzelwa zeendawo abahlala kizo, namabhizinisi, kuthumeleka umlayezo omuhle othi imithethokambiso yedorobheli mihle begodu nabarholi bakhona nabo bangathenjwa ukuthi baragele phambili ngalokhu abakwenzako njenganje.

Lokhu-ke kufuze bona kwandise amasiso, lokho bese kuvula amathuba wokuhluma komnotho, newokuvuleka kwemisebenzi namanye amathuba wokwenza ubungcono bomthangalasisekelo kunye nobungcono bezenzelwa edorobheneli.

Mhlaphanje iDorobha leJwanisbhege lithumbe e-Paris unongorwana i-C40 Cities Award 2015 ngesandla elibe naso ku-Green Bond. I-Green Bond, ebesele inamalunga amanengi ngokweqileko, njenganje seyibuthelile imali engange-R1,458 yamabhiliyoni emnyakeni weemali ophelako lo; nje-ke imali le isetjenziswa emaphrojekthini ambadlwana ukulinga ukwenza ibhoduluko leJwanisbhege libe ngcono belihlwenge.

### UMTHANGALASISEKELO WOKWAKHA IINDLELA ZEKULULEKO

Ngomnyaka wee-2012/13 iMeyara ePhetheko eJwanisbhege u-Parks Tau umemezele ukuthi idorobheli ngesikhathi esiminyaka elitjhumini lizokusebenzisa imali engaphezulu kwe-R100 lamabhiliyoni emaphrojekthini amakhulu



IJwanisbhege yaba lidorobha lokuthoma ukuvula (i-BRT). Lelihlelo, elibizwa ngokuthi yi-Rea Vaya edorobheni leJwanisbhege, selikwenze kwaba ngcono khulu ukukhamba kwabantu baya eendaweni ngeendawo.

wezomthangalasisekelo, ngobunengi bawo aphaathelene neeNdlela ZeKululeko. IiNdlela ZeKululeko misebenzi ephaathelene nezokuthutha ezakwenza iJwanisbhege ibhedlile indlela yokutlama amadorobha eyayisetjenziswa mbuso webandlululo; lokho-ke izakwenza ngokuletha iinkolo, izenzelwa, imisebenzi nobunye ubuhle eduze nalapho abantu bahlala khona, khulu khulu labo abakhe ngaphandle kwedorobheli. Owona mnqopho omkhulu wokwakha iiNdlela ZeKululeko kutlharulula indlela umbuso webandlululo owatlama ngayo ukwakhiwa kweendawo, bese kwakhiwa idorobha elibumbeneko, bekwenziwe ngcono namathuba wemisebenzi newomnotho emphakathini.

Kunengi okwenziweko ukwakha i-Rotunda Precinct e-Turffontein, ne-Empire Perth Corridor, ne-Louis Botha Avenue kunye ne-Soweto Corridor hlanu kwe-Mooki Drive, ekubalwa hlangana nakho nokwenziwa ngcono kwesiTeyitji se-Nancefield.

Woke amaphrojekthi la enzelelwe ukukhuphula umphakathi, enze indlela yokukhamba ibe ngcono, bekuhlanganise abantu beendawo ngeendawo babe banye. Ingcinye eqakatheke khulu yeeNdlela

ZeKululeko lezi kube kuvulwa kweHlelo leemBhesi eziThutha ziBuyelela (i-BRT), elibizwa ngokuthi yi-Rea Vaya elibukwa liphasi loke.

### SIHLOMISA ILUTJHA NGAMANDLA

Iyabonakala nendima eyenziwa yiJwanisbhege emizameni yayo yokuletha ilutjha endleleni ekulu yomnotho, ngamahlelo akhako anjenge-Jozi@Work ne-Vulindlele eJozi.

Idorobha leJwanisbhege livule ihlelo lezetuthuko i-Jozi@Work, elidle amaBhiliyoni amaThathu wamaRanda, elihlanganyelwe ngumasipaladi nezakhamuzi ngomnqopho wokukhuphula izenzelwa zomphakathi ezethulwa ngumasipaladi.

Iphrojekthi le ibukwe mbala embikweni wezerhubhululo wamazwe ngamazwe wamhlaphanje ngepumbelelo yayo yokulungelelanisa amandla welutjha wokutjhayela ukuhluma komnotho okubambelelako.

Okutholwe ngilelirhubhululo kumumethwe mbiko wesihloko esithi: “Accelerating Pathways: Youth Economic Strategy Index 2015.” Umtlolo wezamabhizinisi ohlonitjhwako i-The Economist uthunywe yi-Citi Foundation ukuthi wenze irhubhululo emadorobheni ama-35 ephasini loke; amanye wamadorobha amakhulu lawo yi-Sydney, i-London, i-Madrid, i-Moscow, i-Mexico City, i-Hong Kong ne-Miami.

IMeyara u-Parks Tau uhlathulula ukuthathelwa phezulu kweJwanisbhege “njengetuthuko elithokozisako.”

“IJwanisbhege isilimuka kuhle isidingo

s a m a t j h u g u l u k o abonakalako kezefundo, zamabhizinisi, kunye nezokwakhiwa nokuthuthukiswa kwamakghonofundwa wokuhlomisa ilutjha ngelwazi kilobubujamo bomnotho bakhathesi,” kungezelela u-Tau.

Umbiko uthi “umthethokambiso akukafaneli ukuthi ubize imali enengi khulu.” Uhlathulula i-Jozi@Work “njengegadango elinamandla amakhulu wokusungula”, iJwanisbhege “elinga ngalo ukurarulula imiraro yedorobheni ngasikhathi sinye.”

Umbiko ubuye ubuke iJwanisbhege ngoba yenze umsebenzi wokuthuthukiswa kwelutjha waba ngelinye lamaqalontanzi walo aphambili, ngenca yesidingo esikhanya kuhle sokuthuthukiswa komphakathi, ngaleyindlela-ke ‘isizukulwani esiyibhomu etharhuluka ngamancozuncozu’ saphenduka ithuba lepumbelelo.

Nge-Vulindlele eJozi iJwanisbhege izibophelele ngokuvulela ilutjha imisebenzi emitjha ezii-200 000 begodu ihlanganyele nekoro yangeqadi ukuthi kube nemali eyihlohlolze yokuqatjha ilutjha emisebenzi emitjha le.

IJwanisbhege godu ivule nethungelelwano

‘lokulimukisa ilutjha’ emphakathini lokukhulumisana kwelulekwe ilutjha, kulalelwe iindlelo zalo, bese kuthonywa kulungiswa iindingo emakorweni anjengezefundo, ukufundela umsebenzi kunye nokutholakala komsebenzi.

IMeyara u-Tau uthi iJwanisbhege ilidorobha “la ilutjha lidosa khona phambili ngokufuna itjhuguluko, nokufuna ithuba lokusebenza, kobanyana lizokwenza ipilo yalo ibe ngcono, ligcine likhamba phambili kilokho elifisa ukuba ngikho.”

### IDOROBHA ELINOBUHLAKANI IIVULA AMATHUBA AMATJHA

IThekhnoloji enobuHlakani obuDluleleko iya ngokuqina nokutjhugulula ipilo yezakhamuzi zeJwanisbhege, njengombana umsebenzi wokusabalalisa ithekhnoloji yeLwazithintano (i-ICT) yedorobheli uya ngokuqina ngamandla nje.

Eenyangeni ezisithandathu ezizakwezi idorobha leJwanisbhege lizokuragela phambili nokunabisa iindlelo lapho kufikelela khona i-Wi-Fi, libe livule nethekhnoloji etja ezakwenza kube ngcono ukusebenzisana nezakhamuzi, ibe iphakamise nezinga lokunikelwa kwezenzelwa.

Uthoma ukubonakala umsebenzi womqondo we“Smart City”, ophakanyiswe nguMeyara u-Tau eKulumeni yakhe yoBujamo beDorobha leJwanisbhege. “Ukutholakala komsebenzi owenziwa makhomphyutha nethekhnoloji ukuya nokuya kwesikhathi sekuthanda ukuba yinto omunye nomunye emphakathini



Abantu abanengi abakhamba ngeenkoloji kwanje sebaphaga iinkoloji zabo esiteyitjhini se-Rea Vaya, bese bangena eembhesini ezibathatha zibase eendaweni la bafuna ukuya khona edorobheni leJwanisbhege.

wekhethu ekufuneka abe nayo, njengoba amanzi negezi sekwaba zizinto omunye nomunye ekufuze abe nazo emphakathini wekhethu,” kutjho iMeyara u-Tau.

Ihlelo le-Smart City Flagship selinamaqha ambadlwana esele liphumelele ukufika kiwo, begodu lizasolo linatjiswa ukuya phambili nesiquntwini sokugcina salomnyaka weemali ophazulu.

Ukutholakala kwe-Wi-Fi yasimahla kunaba kuya phambili edorobheni leJwanisbhege. Ingaphezulu kwe-100 imakho yedorobha esele ithungelelwe nge-Wi-Fi, kanti zima-370 iindlelo lapho seyithome khona ukusebenza i-Wi-Fi kilelidrobha. E-Braamfontein sekuvulwe ithungelelwano lezizwambiko, elenza abantu bakghone ukuthungelelana



Idorobha leJwanisbhege lizibophelele ngokuvulela ilutjha imisebenzi ezii-200 000 emitjha ngehlelo iVulindlele eJozi.



OKUMUMETHWEKO

# Govt sets aside billions for new port facilities



Government is investing billions to new port facilities. In 2014 Operation Phakisa was launched and implemented in the ocean economy, health, education and mining sectors.

**Janine Arcangeli**

**P**resident Jacob Zuma said R7 billion has been committed to new port facilities. This follows the adoption of a public-private partnership model for port infrastructure development by Transnet National Ports Authority. Delivering his State of the Nation Address in Parliament last month, President Zuma said government was concerned that South Africa did not own vessels while the country is surrounded by about 3 000 kilometres of

coastline. “Through the oceans economy segment of Operation Phakisa, we are trying to solve this challenge. “I am pleased that two bulk carrier vessels have been registered in Port Elizabeth, and a third tanker in Cape Town under the South African flag,” he said. The Operation Phakisa Big Fast results methodology was launched in 2014 and implemented in the ocean economy, health, education and mining sectors. Through Operation Phakisa, government aims to implement its policies and pro-

grammes better, faster and more effectively. Another positive Operation Phakisa development has been the launch of a fuel storage facility in Cape Town, bringing an investment of R660 million. “Aquaculture appears to be an important growth area within the oceans economy segment of Operation Phakisa. Close to R350 000 private sector investment has thus far been committed in the aquaculture sector. “Nine aquaculture farms are already in production. These farms are located within the Eastern Cape, KwaZulu-Natal, Western Cape and Northern Cape,” said the President.

Operation Phakisa is an adaptation of the Big Fast Results methodology that was first applied by the Malaysian Government, successfully, in the delivery of its economic transformation programme. The operation addressed their national key priority areas such as, poverty, crime and unemployment. It involves setting up clear targets and follows up with on-going monitoring processes which makes the results public. Through this initiative, the Malaysian government was able to register impressive results within a short period.



> Iraga isuka ekhasini loku-1

kwemikhiqizo yezokulima; kukhuthazwe ihlelo lokwenza izenjiwa zikulungele lula ukuncithikiswa bezizuzise abantu, ukuvula amathuba wokuthi amabhizinisi amancani akhona ukusebenzisa ikghono lawo, kube kuqaliswe nendaba yemiraro yeembaseli.

UMengameli uZuma uthi urhulumente usisise imali emabhiliyoni ama-R83 kwa-Eskom, ngaleyindlela-ke i-Eskom yakghona ukuragela phambili ngokusisisa eenTetjhini eziPhehligezi i-Medupi ne-Kusile, ukube ngahlanye solo iqalene nomsebenzi woku-nande ilungisa iimphehligezi ukuthi koke kuhlale kusebenza ngendlela efaneleko.

Ngomnyaka ozako, wee-2017, kuzokungezelelwa ezinye iinjamiso zesiPhehligezi iNgula, ngitjho nanyana ezinye zazo zizokuthoma ukhulnganiswa khona kiwo lomnyaka ophezulu nje.

Amahlandla ambadlwana wethuba leHlelo lomPhehli weGezi eVuselelekako oziJameleko adose amasiso wemali emabhiliyoni ali-R194.

“Umzamosisungulo lo usibonelo esifaneleko sokuthi urhulumente angas-ebenzisana bunjani ngokulekelana nekoro yangeqadi ngomnqopho wokurarlula imiraro yakhathesi eqalene nelizwe lekhetu.”

UMengameli uthi nonyaka nje urhulumente uzokukhetha abantu namkha iinkhamphani ezenyulwako ezizijameleko ezingaphehla igezi ngamaladle.

**ISEWULA AFRIKA YENZE INDIMA EBONAKALAKO**

Ekukhulumeni kwakhe emhlanganweni we- *The New Age* eKapa ngelanga elilandela iKulumo yakhe yobuJamo beNarha (i-SoNA), uMengameli Zuma uthe nanyana iSewula Afrika isakhasa ngokwekambiso yentando yenengi, kodwana seyinendima ebonakalako ekwakhiweni komnotho obambelelako noqalelela umuntu woke.

Ungezelele ngokuthi nanyana kusese kunengi ekusafuze bona kwenziwe nje, kodwana nokho uyaneliseka ngendima esele yenziwe lilizwe lekhetweli bekube khathesi.

“Ngikholwa kukuthi sesilime indima ehle, njengelizwe, ukube kanti sisese bancani kanti nemiraro esiqalene nayo minengi kangaka.

Sisebenzile ngemiraro yezomphakathi ethinta ilizwe lekhetu, begodu sivule nemisebenzi, kodwana umraro esisese nawo kukuthi nanyana sisavula imisebenzi njalo, ngahlanye silahlekelwa ngeminye imisebenzi,” kutjho uMengameli.

**UKUKHUTJHULWA KWAMASISO**

Ethetha kwinkqubo kamabonakude, i-Urhulumente, ngokusebenzisa umNyango wezeRhwebo namaBubulo, uvule amahlelo wehlohlolwela ambadlwana eminyakeni embadlwana edlulileko le ngomnqopho wokukhuphula amasiso emafemini, khulu khulu emafemini wezambatho namatjhila, nemaefemini wesikhumba kunye naweemodere nemitjhini enjengeyeemodere.

UMengameli uthi ihlohlolwela evulelwe ikoro yeemodero nemitjhini idose isisomali angaphezulu kwamaBhiliyoni

A group of women, likely members of a school or community group, are standing in a line. They are wearing blue uniforms and white hats. They are holding South African flags. The background shows some trees and a building.

**ILutjha leSewula Afrika belithakasele ukuzwa ikulumo ezokwethulwa nguMengameli uZuma esitjhabeni.**

ama-R25 eminyakeni emihlanu edlulileko. Ubuncani bakhona umsebenzi wokwakha uthomile kumaPhaga wezokuLima amahlanu; lawo-ke yi-West Rand ese-Gauteng, i-Springbokpan eseTlhagwini Tjingalanga, i-Witzenberg eseTjingalanga Kapa, iNcora esePumalanga Kapa, kunye ne-Enkangala eseMpumalanga.

UMengameli uthi urhulumente uvame ukuthatha iinqunto ezibudisi kanti selasebenzise imali ebonakalako emakorweni ngamakoro wamahlelo wokwenza ngcono ipilo yazo zoke izakhamuzi zeSewula Afrika.

“Soke isikhathesi sisebenza ngokukhuthala, sisebenzela ukusisa kilokho okuzasibuyisela ilitho ngomuso. Isibonelo kukuthi

umthangalasisekelo ngenye yamakoro abe nendima yetuthuko ebonakalako elizweni lekhetweli. Sakha iimphehligezi ezikulu ngomnqopho wokugcwalisa iindingo zomnotho nezabantu.

Sitlame umtamo welizweloke ovunywe ngiwo woke amaSewula Afrika. Ifundo siyenze iqalontanzi, sahlukanisa umnyango wezefundo kabili, kwaba mNyango wezeFundo esiSekelo nomNyango wezeFundo ePhakemeko nokuBandula; ngalokho-ke besenzelela ukuthi ubunengi bamaSewula Afrika ayedinywe amathuba wokuba nesandla emnothweni phambilini nawo abe nesandla kwanjesi emnothweni wekhethu,” kuhlathulula uMengameli.